

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

VI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

obtrundatur conatibus tuis utilissimis, bonorum, heu! nimirum justa est querimonia, dum huic atque illi conspuenti *ἀπολογιστῶν* oportet. De Lutheri impotentissimo Spiritu increpitato operæ precium fecisti *ἀποστομῶν τῆς τρυφῆς*. Unum restat perficiendum, quod à Frobenio perceptum intellexi, Italorum nonnullorum ut nimirum demonstrarentur orbi stulta & *φιλαυτοῦ* judicia, qui præter unum Ciceronem ne tantillum quidem permittant cuiquam laudis in dicendo. Multos hæc opinio in tui, tum cæterorum haud trivialium autorum, contemptum adduxit. Præsertim Bononiæ, ubi Lazarus quidam regnavit Aristarchus, non dicam Erasmo-mastix. Proinde expecta à Tuo Frobenio cætera. Claudam. Vale, mi Erasme, & aliquo amiculo- rum fac perstet in numero Leonardus ille tuus, nulla unquam vi abs tui veneratione divellendus. Patavii. Octavo Idus Junias, MDXXVI.

Leonardus Casperotus

(sic est novum cognomen)

verè tuus.



VI.

Henricus Botteus, Officialis Burgiensis,

Erasmo.

Hispaniæ furæ nondum in manus nostras pervenerunt, quas credo indubitata fide, jam tua Apologia paulò suaviore Hieronymiana in Vigilantium Hispanum, mitiores factas. Ubi primum legi in tuis literis nomen Bedæ, statim subit recordatio Collegii Montis-acuti, exhorruique, ne Præceptor plagiosus iterum ferula me feriret, hunc alias bonum virum arbitratus sum, donec leviculo illo disterio læsus, Beda Lutetiæ sapit, in tantam maledicentiam prorupit, ut apertius ementitam sanctimoniam, atque latens sub gibbo illo virus evulgare non potuisset. Adversus hunc & cæteros ejusmodi, nec non turbulentissimum Lutherum, fortem invictumque animum tibi præstet, aut certè si visum fuerit, ab his liberet rixis Dominus noster Jesus Christus, in quo te quam optimè diutissimeque valere opto. Vale mi Domine reverende, ex Burgo Bressiano, pridie nonas Martii, 1528.

Humilis famulus

Officialis Burgiensis.

LIIII 2

VII.